

## БАДЪЫМ ГОСУДАРСТВЕННОЙ УЖ

Асьме давлыко Красной Армия куиньметй толэзэзэ ини героически жугиське урмем тушмонлы пумит.

Немецкой фашистской клика мална вал войнаез туж вакчи дыр куспн йылпум'яны. Тушмонлэн таёе малпанэз куашказ. Шулдыр прогунка интые, кудзэ Гитлер чектэ вал немецкой солдат'ёслы, соос мырзиськизы авдан кужым борды, штык'ёс но быдтйсь ыбылон'ёс борды, уво сюрс товна металл борды, тужгес ик—советской войскоослэн самой бадъым мужествозы но героизмзы борды.

Гитлерлэ ёз кылды востокия „блицкриг“ ортчтыны. Со сярсы фашистской командование ачиз но вера ини, дыртыса дасясько. Гитлер но солэн армиез аля ик кышкаса учке матэ вуись кезыт тбло русской толалтэ шоры, фашистской ордаос понна яркыт суредаське, что соос понна кезыт но сютэм толлэн услевиосыз бадъым шугсе кытэ вуттоз.

Фашистской мародер'ёс оккупировать карем странаосысь калык'ёсты номырзэс келтытэк грабить каро, толалтэлы дасясько. Но асьсэ оравазес шунит дйсен дйсяны фашист'ёслэн маке со люканы турттон'ёссы уг пормо. Гитлеровской Германия во солэн „союзник'ёсыз“ армизылы тол дйсь сётыны уг быгато.

Захватчик'ёс тужгес ик оско вал асьсэ запас'ёссыс огдырлы бастэм советской район'ёсын йылетыны. Но тушмонлы озы уг кылды. Советской калык'ёс, асьсэ вождьзылэсь Сталин эшлэсь указаниоссэ быдэс'яса, номыр но уг кельто тушмонлы сыёе территория вылэ, кудзэ огдырлы бастйз со.

Асьме воин'ёс улонзэс жалатэк жугисько гитлеровской сьбсьёслы пумит. Асьме воин'ёс, гражданской долгзэс быдэс'яса, котькуд вামыш вордскем муз'ем понна героически вюр'ясько. Священной советской муз'емлэн котькуд вершокез туж дуно усе тушмовлы. Бастэм район'ёсын сьбд уж'ёс лэстылэмез понна тушмонлэн уно сю сюрс солдат'ёсыз быремын ини но бырозы. Вир понна вир но виён понна виён — тйни мае тушмон шедьтоз асьме муз'ем вылэ нападение лэстыэмез понна, сьбд уж'ёсыз но сьбсьяськем'ёсыз понна, асьме вылпносты, нылкышноосты но пересьёсты вылэмез понна.

Немецкой фашизмез выжытэм быдтон понна Красной Армия номырлы но медаз ёрмы, советской воин'ёслы котьмае тырмыт сётоно. Промышленность но сельской хозяйство сёто самолет'ёс, пушкаос, танк'ёс, винтовкаос, снаряд'ёс, пулемёт'ёс, нянь, сйль но ваньзэ мукет'ёссы сион юон'ёс но арбериос. Но со сяна Красной Армия кулэ шунит дйсьёс но шунит пыдкучав'ёс, фуфайкаос, гынсапег'ёс, носкиос, шарф'ёс, шапкаос, наушник'ёс, шунит шлем'ёс, полушубок'ёс но мукет'ёсыз — тйни ма кулэ асьме воин'ёслы толалтэ лек жугиськон'ёс нуыны.

Советской патриот'ёс трос пол возматйзы ини асьсэ родиналы пумтэм преданностьсэс. Соос али но быдэсак дась уло Красной Армия тырмымон шунит дйсь сётыны. Красной Армия толалтэ азелы юртон сярсы кутскем движение—туж важной государственной уж.

„Янгалиф“ колхозысь колхозник'ёслэн давлыко примерзы асьме райснысь но тросэз колхоз'ёс Красной Армиялэн боец'ёсызлы шунит дйськут'ёс сёт'яло ини.

Бачумовской сельсоветысь Молотов эшлэн нимыныз нивам колхоз сётйз ни 26,6 кгр. ыжгон, 15 ыжку, Володарскийлэн нимыныз нивам колхоз 23,8 кгр. ыжгон, Зюинской сельсоветысь „Новый путь“ колхоз 23,8 кгр. ыжгон, Дизьминской сельсоветысь „Диктатура пролетариата“ колхоз 38 кгр. ыжгон, Ворцинской сельсоветысь „Малиновка“ колхоз 14 кгр. ыжгон, 10 ыжку но 3 пара ыжгон пбз.

Райисполкомлэн первичной комсомольской организации 5 байковой одеал'ёс бастыса сётйзы. Таёе пример'ёс асьме районын туж трос ни. Но та эшшо кутскон гияэ.

Партийной но комсомольской организациос та движение кивалтоно луо. Сое организованной но массовой кароно. Родиналэн котькуд патриотэзлы валэктоно фронтлы нуналмысь юрттыны кулэ сярсы, чтобы жог быдтыны аддемпотонтэм фашизмез.

Асьме кужым'ёс ляд'яны луонтэм трос. Асьме луонлык'ёс ноку но уз быре. Тушмонэз быдтон понна советской калыклэн кужимез веравы луонтэм бадъым. Родиназэ защищать карыны аслэстыз вань кужымзэ, вань средствооссэ советской калык сётйлыз но сётоз берпум шапык вирез бырытоз.



Великой отечественной война- лэн участникаез. Н-ской частын трос дун'янтэм юрттэт'ёс лэстылыз медсестра Ершова Е. П. эш. Со кышкатэк мынылыз тушмонлэн пушказ ик но мед кулэ, ваньзэ тодылыз. Сарафан дйсьяса, Ершова тушмонэн бастэм гурт'ёсы пырылыз, корнаосы пыраллаз, немецкой войскоослэн составез но силаез сярсыс важной сведениосты шедьтыны турткыса.

## НОРМАОССЭС МУЛТЭСЭН БЫДЭС'ЯЛО

Котькуд килограмм мултэс октэм ю-нянь тушмонлэн скулмаз пуля луэ. Тае умой валало Уканской селсоветысь „Виль гурт“ колхозысь колхозник'ёс. Соин ик колхозник'ёс но колхозницаос ю октон-калтон бордын умой ужаса иуналлы тупатэм нормаоссэс мултэсэн быдэс'яло.

Аран машинаен арасьёс Данилов Николай но Данилов Никифор норма 3 гектар интые кажной нунал 3,5 гектарозь аралляло.

Нуналлы тупатэм нормаоссэс мултэсэн быдэс'яло керттылон ужын но.

Тйни Данилова Парасковья Ефимовна нуналаз 5,8 трудоденьлы ужа, Данилова Ольга 4,5 трудоденьлы. Культю люкан ужын Данилов Павел Григорьевич кажной нунал 3,5 трудодень ужа.

**В. Нинитин,**  
агитколлективлэн кивалтй- сес.



Действующей Армия. Красной Армиялэн доблестной боец'ёсыз бастыло быдэс Советской Союзлэн селоосысьтыз но город'ёсысьтыз трудящейёсызлэсь сюрс'ёсын яратыса люкам подарок'ёссыс. Суред вылын: Н-ской подразделениысь боец'ёс Д. В. Маркин (паллян палаз) но Н. Н. Китков передовой линиин Донбассысь шахтер'ёслэн кышнооссылэсь подарок'ёс бастйзы.

## Дышетйсьёс но дышеткисьёс колхоз'ёслэн луд выл'ёсаз

Правительстволэн решениез 5-10 класс'ёсысь дышеткисьёс но соослэн дышетйсьёссы 8-тй сентябрьсен колхозэ ужаны лэземын. Дышетйсьёс но дышеткисьёс правительстволэсь решениезэ жутскем мылкыдэн пумитазы. Со решения 75 дышетйсьёс но 1800 дышеткись пинал'ёс колхоз бусыосы потыса ю октон-калтон уж борды кутскизы.

Азлы нунал'ёсаз ик дышетйсьёслэн но дышеткисьёслэн юрттэмзы юн существенной луиз. Со кужым пбртэм уж'ёсы лэземын: культю керттылонне, кутсаськонне, клевер октон-калтон уже, государство ю-нянь ворттон ужын но мукет сельскохозяйственной уж'ёсын. Нош куд-огез колхоз'ёсын бригадир луыса ужало.

Колхозлы юрттон, Родиналы патриотизм но сьбсьомем фашизмлы ненависть — тйни мар нуэ но кивалтэ дышеткисьёслэн но дышетйсьёслэн мылкыдынызы но тыршонэннызы.

Школаос, одйг кылын вераса, перестроиться карыськизы военной ладэ. Дышетйсьёс, куд'ёсыз туэ арозь культю керттылыны ёз валаллялэ, соос но нормаоссэс перевыполнять карылыны кутскизы. Веранэз ик ёвдл соосыз сярсы, куд'ёсыз колхоз'ёсын будйзы.

Умой ужазы Юрской НСШ - ысь дышетйсьёс, тужгес ик Н. Ф. Старцева, кудйз 5 нуналкыын 14 трудоденьлы ужаз, В. П. Лапи-

на 7 нуналкыын 14 трудоденьлы ужаз. Байдалинской НСШ-ысь А. И. Данилова нуналаз 6 трудоденьэз ужалыа. Озы ик умой ужа Ф. А. Ушоков но мукет'ёсыз. Укана средней школаысь сокем ик кужмо ужало Ивонинский, Веретенников но Чирков эш'ёс, Ворцинской НСШ-ысь умой ужало М. С. Владыкина, И. П. Салтыков, Арасланов но мукет'ёсыз.

Таос но мукет'ёсыз дышетйсьёс не только ачизэс гинэ ю октон-калтон ужын умой ужазы, озы ик соос ю октон-калтон ужез жоггес быдэстон понна аслаз ббрсяз колхозник'ёсты кыско.

Дышетйсьёслэн примерзы дышеткисьёс но самоотверженно ужало.

Укана сельсоветысь „Югдон“ колхозысь Рылова Зоя ю октон-калтон ужын нормазэ 300—800 процентлы быдэс'яллы. Юрской сельсоветысь „Большевик“ колхозысь Сунцов Леонид нуналаз 2 трудоденьлэсь но трослы ужа, озы ик умой ужа „Даниловский“ колхозысь Данилова Анна.

Сыёе умой ужасьёссы дышеткисьёсты можно кажной классысь, кажной колхозысь шедьтыны.

Тросэз дышетйсьёс аслаз воспитанник'ёсыныз гордиться карыськыны быгато, что соослэн дышеткисьёссы не только кылын но озы ик ужын но патриот'ёс луо.

**А. Горин,**  
РОНО-лэн заведующосез.

## Народной ополчение

Фронтын Красной Армиялэн героической нюр'яскоковэныз чош фронтлэн мышказ вблме кужмо народной ополчение.

Родинамылэн патриот'ёсыз асьсэлэн куриськон'ёсазы верало Ленинлэн Сталинлэн партиезлы асьсэлэсь преданностьсэс. Уканской сельсоветысь „Заря“ колхозысь кык комсомолкаос Булдакова Наталья Егоровна но Данилова Валентина Андреевна заявленияз гожто: „Милям но пиосыз чош ик социалистической родинамес возмаммы потэ. Соин ик милемес народной ополчение зачислить карыны куриськом.“

Вылй верам патриот'ёслэн кадъ али мылкыды кажной советской гражданинлэн.

**Г. Г. Эмеев.**

## Ю октон-калтонзэс быдэстйзы!

Уканской сельсоветысь „Красный пахарь“ колхозысь колхозник'ёс ю октон-калтонэз туэ азиялыко ортчтызы.

Укана школаын дышеткись Данилова Елена лэн бригадаез ю октон-калтон ужын умой ужаз. Озы ик мукет бригадаос но стахановской амал'ёсын ужазы. Тросэз колхозник'ёс нормаоссэс мултэсэн быдэс'яллызы. Колхоз ваньзэ ю октон-калтон ужзэ 16 сентябре быдэстйз.

**Г. Г. Эмеев.**



# Отечественной война лэн фронт'ёсаз

## Ельня понна жугиськон'ёс

Ельнялэсь районэ немец'ёс самой пайдалык опорной пункт шуьса ляд'яло вал Москва вылэ но юге наступать карыны понна, малы ке шуоно, отын давак сюрес'ёс кечат-вамаат вуо, местность нюлэ'ёсын тырмемын но туж выро-гопо, котырак вырйыл'ёс. Татчы, Ельня доры, фашистской командование ас солдат'ёсызлэн шой'ёсы вылтйз, вайылйз, Смоленск бере, часть бёрсы часть. Гурезь ул'ёсы, нюк'ёсы но нюлэ'ёсы, куд'ёсыз котырто немец'ёсын юн укрепить карыны вуэм Ельнинской вырйыл'ёсты, люкамн вал быр'ем фашистской дивизюс. Татысен, ельнинской кулчоюсен, Гитлер малпа вал аслэстыз урмем пуныссэ лэзыны, соосты Красной столицамы вылэ узатыны.

Но аслэстыз малпан'ёсэ тушмонлы өз кылды ватыны советской командованилэсь. Гитлеровской генерал'ёслэн планзы тодэмын вал. Красной Армилен частьёсыз азе советской командование задача пуктйз та районсы фашист'ёсты пазыгыны, тушмонлэсь ельнинской плацдармэ пушкытны.

Милям полкмылы, кудйз действовать каре энской дивизилэн составаз, косэмын вал тушмонэн пумисыкыны Ельнялэн районэз но жугиськыны вормытозь, быдэсак быдэстыны советской Командованилэсь приказэ. Полк быдэс толэзь ёже дугдылтык жугиськиз. Но ми выль но выль кужым'ёс бастыллымы командованилэсь приказэ быдэстон повна выль ответственностьмес валаныстымы.

Красной Армилен частьёсызлэн зибеманы немец'ёс оборонае выжоно луизы. Ассэслэн оборонительной позициясы немец'ёс туж оско вал, та районсы котыкуд вырйылэз соос тырмыт зол юматйзы, та вырйыл'ёс котырысь котыкуд метр муз'ем ыбылон улын вал.

Наступлениез дугдытытэк азылань миноно, ноыче шугсекыт'ёс шоры учкытэк, потоно Ельняз котыртон понна чугун сюреслэн линияз вылэ, активно участвовать кароно тушмонлэсь ельнинской группазэ быдтонны — тйни сыче вал задача.

Полк наступать кариз дивизилэн азыпал эшелоназ. Нырысь нуналэ ик ми атаковать каримы немец'ёсты, бастыллымы Н. совхозэз, но азылань мыныса, потймы У. шур доры. Солэн улынэсь сыр'ясь ярдур'ёсыз танк'ёс понна кышкыт инты луо но туж люкето вал пехоталэн азылань мыновэзлы. Но милям сюресмы выльн главной могоет шур ой вал. Милям азыпаламы сылйз энской вырйыл, кудйз луонлык сётэ вал котырак адзыны ма луэ быдэс местастыны, кудйз туж юн укрепить каремын вал немец'ёсын. Со пытса вал милемлы наступление вуон сюресэз. Со вал Ельняз сюрес устын, кытын асьме дивизия наступать кариз, со участок

немецкой обороналэн бастинэз вал.

Та вырйылэз одно ик бастыны кулэ вал. Тае лэстыны косэмын вал милем полкмылы.

Кужмо шуккет'ёс лэстыса, ми азылань мынймы но мынон куспын бастыллымы вырйыл котырысь Д. но В. гурт'ёсты. Вырйыл доры подступ'ёс ми кие шедизы. Та жугиськон'ёсын тужгес ик усто действовать каризы капитан Козин но старшой лейтенант Люманов. 8 августэ потон уип милемлы кбня ке шутэскон дыр шедиз. Боец'ёс гудйсыкызы, ассэс утылтйзы, шутэскизы.

Жужыт выр вылын, кудйз милям азыпаламы вал, немец'ёс кбня ке ДЗОТ'ёс лэстыллям, мивомет'ёс пуктылйлям, муз'еме танк'ёсэс гудйлям. Вырйылсыен соос ыбылыны быгато вал котырак 4 километр кемысь котыкуд интыез. Вырйыл котырысь подступ'ёс шоры огдыре куинь лэсян ыбылйз немецкой артиллерия.

Ыбылэмлы ыбылонэн отвечать карылйзы асьме артиллерист'ёс, куд'ёсыз юртйзы милям полкмылэн действоысызлы. Бормотин командирлэн артиллерийской частез ыбылйз тушмонлэсь вырйылэсь укреплениесыз шоры, противникез пазыз аслаз кужмо ыбылэмныз. милемлы сюрес сайкиз.

Быдэс нунал ёже ми азылань мынймы, но туж кален, малы ке шуоно, йыр вадэсын куиньполэс сйен пулос лобазы. Жыт пал Малышев капитанлэн батальонэз вырйыллэн сёрпалаз мынйз, вырйыл баме юматскиз но уйлы отчы кылйз.

Куазь пеймыт на вал, нош ик вырйылэз штурмовать карыны кутскимы. Капитан Малышев действовать карон куспетй кык немецкой бронемашинасты талаз. Одыгз соос пöлысь аслаз кык боец'ёсыныз пуксиз но мыныны косйз шонрак вырйылэ. Со пыриз тушмонлэн расположенияз но 4 немецкой танк'ёсты но бронемашиназ, горючнин бутылкаосын лэзяса, сутйз соосты.

Немец'ёс сокем куалектйзы, что нырысь одйг ыбем куара но соос лэсян өз кылйсыкы, нош собере ини туж юн ыбылыны кутскизы. Малышев вылэ урдэс лэсян лыктыны кутскиз немецкой батальон. Малышев өз куалекты. Со нырысетй ротаез мефак берыктйз но немец'ёсты бырон треугольнике шедйтйз. Асьме боец'ёс отын 213 немец'ёсты бышкызы.

Со куспын вырйыллэн мукет палаз нырысетй батальон атаковать кариз немецкой укреплениесты но тушмонэз улэяз окуп'ёсысь, быдтйз 9 пушкаосэс но кбня ке мивомет'ёсэс.

Немец'ёслы мазэ-созэ валаны дыр сётытэк, милям полкмы ялан шымыртйз соосты, огеэз бёрсы мукетсэ ДЗОТ'ёсты суяз, котыртылйз но быдтылйз синазыкылес тушмон'ёсты. Немец'ёс пöлын куалектон ялан будйз но будйз. Соос ялан чөмгес асьсэс кельтылы-

ны кутскизы укреплениессэс но потылйзы отысь, киоссэс жутылыса.

Чукна 8 часозь вырйыл бастэмын вал, немецкой частьюлэн кылем'ёсыз Г. гурт пала пегйизы.

Вырйыл понна жугиськоннын полк быдтйз 500-лэсь трос немец'ёсты. Кбня ке сю сёсырмем'ёсэа немец'ёс асьсэ пала нуизы. Пленной немецкой ефрейтор вераз, что солэн ротысытыз улэн кылйзы на 10 мурт. Фашистской ротаос олокбня пол подкреплениес бастылйзы, но жугиськон йыллум'ялеккон азын котыкудаз соос пöлысь кылйзы на быдэн 20—25 мурт гинэ.

Немец'ёс вырйыл шоры ыбылонэ кутйзы вань артиллериязэ но мивомет'ёсэс. Кык нунал куспын соос куинь пол кутскилызы милемды атаковать каралыны, вырйылэз берлань асыалы берыктыны турткыса, но котыкуд палаз асьме боец'ёс соосты матэ лэзылйзы но собере мефак ыбылйзы.

Полк өз кышка немецкой артиллерилэн ыбылэмэзлэсь, даже мышкамы ужас'ёс гинэ но өз дугдыт'ялэ ас ужэс. Кукэ немецкой снаряд вырйыл тапалан хозяйственной повозкаез пазыгиз, повар'ёс туж юн ыбылон улын вырйылэ гыж кытйсыкыса, ас вылазы нулйзы термос'ёсты но быгатйзы озы вань боец'ёсты сюдыны.



Славной Сталинской сокол'ёс летчик'ёс лейтенант В. Г. Каменьщиков но младшой лейтенант С. Г. Ридный фашистской стержатник'ёсын омырын кышкатэк жугисько. В. Г. Каменьщиков эш огняз нылызэ фашистской самолет'ёсты уськытйз, сомында ик уськытйз аслаз эш'ёсыныз Чош. Раниться карыськем безаз но со госпитале кыллыны өз выды, ялан лобаз. С. Г. Ридный эш куинь фашистской самолет уськытйз. Аслаз звеностыз летчик'ёсын Чош со эшшо нылызэ немецкой машинасты быдтйз Германской фашизмлы пумит нюр'яскон фронтан Командованилэсь боевой заданиессэ образцово быдэс'ямы понна но соку доблестысэс но мужествосэз возматэмзы понна соолы кыкназылы Советской Союзлэн Героезлэсь званиз присвоить каремын.

Советской Союзлэн Геройёсыз младшой лейтенант С. Г. Ридный (паллян пальсыз) но лейтенант В. Г. Каменьщиков эш'ёс Москваын Красной площадын сослы грамотаос но орден'ёс вручить карон нуналэ.

Одыг уйскы ми вырйылэсь вань укреплениесты асьмелы кулэз'я лэстымы. 150 боец'ёсын Юманов старшой лейтенантэз татчы кельтыса, полк азылань наступление потй.

Нувазе командной пунктын звонок кылйскыиз: Юманов ивортйз, что немец'ёс туртско солэсь группазэ котыртыны.

Кин ке вал та дыр'я командной пунктын, ваньзэ соосты люкаса, ваньмыз 50 мурт ёрос, мон люки соосты кык группалы, одйгзэ соос пöлысь поручить кари старшой сержантлы саперлы Митрофановлы, мукетсэ ачим сёбрам бастй. Бызыса ми вырйылэ вуимы но флаг'ёсысен атаковать каримы немецкой батальонэз чапак со дыре, ку Люманов ас боец'ёсэ поттйз но немец'ёслэн кымысазы шуккиз.

Жугиськон ортчиз самой вырйыллы но вакчи дыр куспын ваньмыз пумаз вуттэмын вал. Ачиз Митрофанов бышкытйз 4 фашистэз, мукет'ёсыз боец'ёс быдэн 10—12. Ваньмыз та жугиськоннын влемеын вал 200 ёрос немец'ёс. Кылэм'ёсыз пегйизы, мышказы туж лек ыбылйзы асьме пулемет'ёс.

Озы ми эшшо кык сю ватсамы на милемын быдтэм фашистской палач'ёслэн лыдзы борды. Азылань но азылань мыныса, тушмон вылэ шуккет бёрсы шуккет лэстылыса, ми пуэмзэ беры'ямы фашистской выродок'ёслы асьме адямиослэн вирзы но курадзем'ёсы понна. Одыг уе боевой нунал ортчем бере асьме боец'ёс муз'еме согизы 213 немецкой шой'ёсты, куд'ёсэз чигнась тушмон октыны-калтыны өвöl вуэм, мукетаз уе —233, куиньметйяз—91, нылетйяз—82 шой'ёсты. 23 августозь милемын быдтэм фашистской сёсёс'ёслэн списоказы ляд'яске вал полклась трос немецкой пехота.

Котыкуд боемы но командирмы ноку но уз вунэты виро сёсыскон'ёслэсь бервыл'ёс-сы, куд'ёсэ ми адим котыкытын, кытчы солэсь азыллышдыз лёгаз фашист. Глиновской районсы милемын мозмытэм Басманово гурт, отын немец'ёс кузёяськем бере, пень вылэ кылем. Солы матысь нюлэс'ёсысь берытскем улйсьсэ везазы милем, что нырысь нуналэ ик фашистской изверг'ёс бусые поттйзы 200-лэсь трос дышетскись пиасты но ныл'ёсты, куд'ёсыз гуртэ ю-нян октыны-калтыны лыктэмын вал, котырак котыртызы соосты но сёсыс'ёс музэн автомат'ёсын ыбыллызы. Тросез дышетскись ныл'ёсты соос нуизы ас сёлэн мышказы „господа офицер'ёслы“. Одыг керкаез но быдэсэн ми өм шедтэ Гурьево но Радутино гурт'ёсы но. Милям уин атакаосмылэсь кышкаменнызы немец'ёс котыкуд уй сутылйзы гурт'ёсын быдэн кбня ке коркасты, малы ке шуоно, тылпулэн пиштэмез улсын соос ляд'язы ассэс спокойногес.

„Вир понна вир! Виём понна виён!“—тйни сыче лозунген

боец'ёс азылань мынйлызы, уйыса сутылйзы но туж юн тышказы тушмонэз. Милям боец'ёсы тушмон'ёслы пунэмзэ беры'язы туж лек, котыкуд жугиськоннын возматылйзы кышкамтэзэс, отвагазэс, амалыко луэмзэс.

Сухоплюев командовать каре вал орудием (али со батальонной артиллерилэн артводэзлэн командирез). Жугиськоннын солэн орудиез но немецкой артиллерист'ёс куспын туж юн ыбылйскон кутскиз, немец'ёс сёрисы солэсь пушказэ, Сухоплюев соку ик выжиз артысь орудие борды, кытын стройысь потэмын вал командирез, шонрак ыбыса, сёрис тушмонлэсь орудиез. Немец'ёс сөрэм орудизы доры тягач ыстйзы, минут куспын тягач жуа ни вал. Сухоплюев нюлэс пала эшшо одйг снаряд ыстйз на. Нюлэскысь туж юн пуштэм куара кылйскыиз. Сухоплюев валаз мазэ-созэ.

Куамын пол ыбыса, куамын пол ик пуштэм куара чуз'ясыкыиз. Озын Сухоплюев ыбылйз боеприпас'ёсын адскистыэм колоннаез. Жытазе асьме разведчик'ёс шедйтйзы нюлэскысь 30 сукскем автомашинасты.

28 августозь Люманов аслаз боец'ёсыныз энской вырйылэз кияз возиз. Со дыр куспын полк азылань мынйз.

Кукэ дивизилэн командованияныз герзасыкемын но боеприпас'ёс но сион-юон бастэмын вал, ми мыныны кутскимы нюлэс дуре азылань но выль шуккет лэстыса, чигнатймы тушмонэз. Полк пэзыгытйз немец'ёсгы данак пункт'ёсысь, быдтйз 80 немецкой автомашинасты но потйз, бератаз, чугун сюреслэн линияз доры но со вамен азылань мынйз. Ельня доры 4 километр кеме вуимы.

Красной полк'ёс котыкуд лэсян шымыртйзы немец'ёсты туж юн кулчо, сюбег инты герза на вал фашистской дивизюсты соослэн мышкынызы, но быдэсак со шобыртэмын ни вал немецкой шёсын.

Ельня город пуме пыризы Утвенко эшлэн частьёсыз. Тушмон, кудйз Красной Армилен шуккет'ёсыныз гуныдытэмын но дасо сюрес'ёсын солдат'ёсэз ыштйз ини, куалектйз. Тушмон'ёс, котыртамэ сюремлэсь кышкыса, туж жог чигназы.

Ельня дорын жугиськон'ёс 26 нунал кытйсыкызы. Асьмелээн частымы пазыгиз 8 фашистской дивизюсты 75—80 сюрс виём'ёс но сёсырмем'ёс—тйни мамында усиз немец'ёслы Ельнинской округын юматскины но отысэн Москва вылэ мыныны туртскемыз.

Асьме частысь ялан жуго, куашкат'яло сивазыкылесэс захватчик'ёсты.

Ельнялэн районэз, кытчы гитлеровской сёсыс'ёслэн уллёосы люкасыкемызы вал отысен асьме родиналэн скулэмез доры тэтчыны малласа, соослы бырон инты луиз.

Полковник **И. НЕКРАСОВ.** Советской Союзлэн Героез. ДЕЙСТВУЮЩОЙ АРМИЯ.

Редакторез воштйсь **И. Владыкин.**